

JAMHURI YA MUUNGANO WA TANZANIA
BARAZA LA MITIHANI LA TANZANIA
MTIHANI WA UALIMU DARAJA LA A

650

HAIBA NA MICHEZO

Muda: Saa 3.

Mwaka : 2015

MAELEKEZO.

1. Karatasi hii ina sehemu **A** na **B** zenye jumla ya maswali **kumi na sita (16)**
2. Jibu maswali **yote** katika sehemu **A** na maswali **manne (4)** kutoka sehemu **B**.
3. Sehemu **A** ina alama **arobaini (40)** na sehemu **B** ina alama **sitini (60)**.
4. Vifaa vya mawasiliano na vitu vyote visivyoruhusiwa **havitakiwi** ndani ya chumba cha mtihani.
5. Andika **namba yako ya mtihani** katika kila ukurasa wa kijitabu chako cha kujibia.

maktaba.tetea.org



SEHEMU A (Alama 40)

Jibu maswali yote katika sehemu hii

1. Baadhi ya walimu wapya hudhani tathmini ya mara kwa mara huwapotezea muda wanafunzi. Ukiwa mwalimu mzofu, eleza hoja nne zitakazothibitisha umuhimu wa tathmini hiyo katika somo la Haiba na Michezo.
2. Katika kuandaa andalio la somo, walimu wengine huandika malengo kwa namna isiyo sahihi hali inayosababisha kushindwa kupima matokeo ya somo. Eleza sifa nne zinazopaswa kuzingatiwa ili kuandaa lengo mahsusi bora.
3. Umealikwa na Afisa Elimu Kata kutoa maelezo kuhusu nafasi ya michezo katika kukuza nidhamu na umakini wa wanafunzi shuleni. Fafanua hoja nne utakazozungumzia.
4. Katika kikao cha walimu, baadhi ya walimu walidai vitabu vya kiada pekee vinatosha katika ufundishaji wa somo la Haiba na Michezo. Ukiwa na maoni tofauti, eleza hoja nne zitakazothibitisha umuhimu wa vitabu vya ziada.
5. Shule yako imekuwa ikikabiliwa na changamoto ya maandalizi duni ya zana za kufundishia na kujifunzia. Kwa kutumia hoja nne, fafanua faida za kuwa na maandalizi mazuri ya zana hizo.
6. Ukiwa mwalimu wa somo hili, eleza viashiria vinne vinavyoonyesha kuwa mwanafunzi amekosa ari ya kushiriki katika shughuli za michezo shuleni.
7. Katika shule yenye upungufu mkubwa wa vifaa vya michezo, mwalimu analazimika kutengeneza zana papo kwa papo. Eleza stadi nne zinazomhitaji mwalimu ili kufanikisha kazi hiyo.
8. Wakati wa ufundishaji wa somo la Haiba na Michezo, mwalimu anatakiwa kuzingatia usalama wa wanafunzi. Fafanua mambo manne muhimu ya kuzingatia ili kuhakikisha usalama huo.
9. Shule yako imeanzisha utaratibu wa kuandaa Azimio la Kazi kabla ya kila muhula. Bainisha zana nne ambazo mwalimu atahitaji katika hatua hiyo na eleza matumizi ya kila moja.

10. Umechaguliwa kushiriki katika jopo la kuchagua vitabu vya kiada kwa shule za sekondari. Eleza vigezo vinne utakavyovizingatia kabla ya kuidhinisha kitabu kwa somo la Haiba na Michezo.

SEHEMU B (Alama 60)

Jibu maswali manne (4) kutoka sehemu hii

11. “Mwalimu anaweza kufundisha bila muhtasari kwa kuwa tayari ana uzoefu wa kutosha.” Kwa kutumia hoja tano, kanusha usemi huu.
12. Eleza mambo matano yanayoweza kuathiri tabia na mienendo ya mwanafunzi anayejifunza somo la Haiba na Michezo.
13. Shule yako imekuwa ikikumbwa na changamoto za ajali ndogo ndogo wakati wa michezo. Kwa kutumia hoja tano, fafania njia za kuhakikisha usalama wa wanafunzi wakati wa michezo.
14. Andalio la somo lina vipengele muhimu vinavyomsaidia mwalimu kufanikisha somo. Eleza namna mwalimu anavyoweza kutumia vipengele vitano vya andalio hilo.
15. Azimio la Kazi ni nyenzo muhimu kwa mwalimu kabla ya kuandaa andalio la somo. Changanua vipengele vitano vya Azimio la Kazi na eleza namna vinavyosaidia maandalizi ya somo.
16. “Shajara ni nyaraka muhimu kwa kila mwalimu wa somo la Haiba na Michezo.” Kwa kutumia hoja tano, thibitisha kauli hii.